

**ADDATINO
KUKTI IXXIMAK 1183/2012 I.L.L
FEDERAALAK XINTO SIIRATHI
KUKTA...GALIK ...12470 KUKTI
IXXIMAK 1183/2020**

**THE AFAR TRANSLATION OF THE FEDERAL
ADMINISTRATIVE PROCEDURE PROCLAMATION NO.1183/2020**

ACKNOWLEDGEMENT

The translation and publication of the Federal Administrative Procedure Proclamation was done by Ethiopian Lawyers Association in partnership with USAID's *Feteh* (Justice) Activity in Ethiopia as part of their efforts to build on the capacity of civil society organizations which are involved in governance and judicial reform efforts.

This publication was made possible through the support of the American people through the United States Agency for International Development (USAID). The content and opinions expressed in this document in no way reflect the views of the USAID.

**ADDATINO
KUKTI IXXIMAK 1183/2012 I.L.L
FEDERAALAK XINTO SIIRATIH
KUKTA...GALIK ...12470 KUKTI
IXXIMAK 1183/2020**

**THE AFAR TRANSLATION OF THE FEDERAL
ADMINISTRATIVE PROCEDURE PROCLAMATION NO.1183/2020**

Itiyoppiyah Federaaliyyoh Dimokraasih Ripubliikik
Federal Dinkaarah Majallata

Addatino

Kukti ixximak 1183/2012 I.L.L

Federaalak xinto siiratih kukta...galik ...12470

Kukti ixximak 1183/2020

FEDERAALAK XINTO SIIRAT

WANNOOTUH YEWQE KUKTA

Itiyoppiyah federaaliyyoh dimokraasiyyoh ripabliikik doolat madqal doolatak gexsit ummattah qidi le gital yakkem faxximtam kee faxe doolat reedanti isi qaaqadaacisa kaa tekkek esserimelem daffeytem kinnuuk; Xintoh exxaaxi sahda gar kee tuxxiqittet abaanah yanin gaba culsi madqat miracsimtam yakkem kee madqat xintam yakku diggoysaanam faxximtem kinnuuk;

Xintoh exxaaxik margaqa macuw kee miracsenti mayyaaqah radmoodaa kee siiratitteey tonnah xinto maaqattootii kee miracsentittet ruffa axce wee num too margaqooqii kee miracsentitteh madqak aniyyih tiya madqa caxal elle fokkaqsiisa gexsit wannoosak xinto qadli baarisaanam faxximtem kinnuuk;

Taway tonna leemiik Itiyoppiyah federaaliyyoh dimokraasih ripabliikik doolat madqak maasayyak 55(1)

ugutak ciggiila kukti yawqee.

INIK HEELE EXXA
AMO LADI WANOONA

1. Ux amo tabu

Ta kukti “federaalak xinto siiratih kukta ixximak1183/2012” deqsitak muggaaqimam duudah.

2. Maqnisso

Qangarâ maqna gersinnal tescesseh akke waytek, A’kuktih addal:

- 1/ ” Xintoh exxa” yaanam Itiyoppiyah federaaliyyoh dimokraasih ripabliikih doolatak taama selta xogorti akkuk madqal xissimte kutbeh buxa kinnuuk federaal doolatah esserimta magaala xiinissok taama selta xagorti edde tan.
- 2/ “Miracsenta” yaanam madqa yayyaaqe xagar yaceeh yan awlaytiinoh abbootanal rakitak xintoh exxa tayyaaqeeh sahda gar akkek tummiqittil raat cabu xiqa madqa sanad kinnuuk taamal yan miracsenta aysiisek hinnay duuge yakke miracsenti edde yan.
- 3/ “Xinto margaqa” yaanam miracsenta yayyaaqeenim edde ane waak xintoh exxak ummaan ayroh addah abtootiy sahda gar akkek tummiqittil raat cabtal xintoh exxah targaqe kinni.
- 4/ “Sahdaytu” yaanam madqak yan num akkek ginok yan num akke.
- 5/ “A’kuktih addal faxe lab num tascasse nadosay numih nado kaaduuy wagittah.

3. Abbinootiyyi caydu

- 1/ ta kukti inkih tan xinto xisneenal abbinoyte luk takkay immay umallat siiratat miracsima gaarowsee kee poliis taamoomiyy tonnah kalali qandee kee saay xisneenal mabbinoota.
- 2/ ta maasayyak lani maasayyak(1) tan wano anih tama xisneena loonuh yanin inah tan abbootanittek xaqut ayfaf yaceenim kee lowsis taamoomi keenik wagittaamal miracsenta yayyaaqen wak kee xinto maaqatta ruubaanah yanin wak ta kuktat xiinelon.
- 3/ ta kuktak maasayyak 11 tan wamo elle taninnal anuk agat banki baaxok iro sarfih caddoo kee xali caddooy tonnah gersi sirrih tan caagiida wagsiisak miracsenta yayyaaqe wak ta kuktak maasayyak 7-10 tanih tan dirkitte abbinoyaamal madirkima.

NAMMEY HEELE EXXA
XINTO MIRACSENTITTE
INIK HEELE LANI EXXA
MIRACSENTI MAYYAAQA

4. Miracsenta tayyaaqeenim

- 1/ faxe xintoh exxa madqal teetih tumcuwwee awlaytiinoh abbootanak ugutak miracsenta tayyaaqem duddah.
- 2/ xitoh exxa miracsenta tayyaaqem ta kuktal daffeyte manoonak ugutak dibuk kinni.
- 3/ faxe num kay gar akkek tuxxiq wagittaamal xintoh exxa miracsenta ayyaaqe waytaamah xintoh exxah margaqa geyuh esseraamih gar le.
- 4/ faxe xintoh exxa tayyaaqem faxximtah tan miracsenta ayyaaqe wayte yaanam madqal teetih tumcuwwee qaaqal taceem faxximta ayfaf akkek xinto margaqa acee waytuh sabab takkem madudda.

5. Miracsenti edde yawqe widdir

Faxe xintoh exxa tayyaaqem faxximta miracsenta tayyaaqem dirki akkuk wannotta widdir sidiica alsih addataay, dirki edde akke sinni caalootal ceela widdirih addat miracsenti yawqem faxximta.

6. Miracsenti yawquh essero xayyowtam

- 1/ faxe num inki xintoh exxa tayyaaqem faxximta miracsenta faxxiima widdiril ayyaaqekkal raqtek miracsenta tayyaaquh kutbel esseram xiqah.
- 2/ essero elle xayyowteh tan xintoh exxa soddom ayroh addat miracsenta tayyaaqemih gexso qimbisek hinnammay sabab qaddoysak essero cine takkem faxximta.

NAMMAYHEELE LANI EXXA
MIRACSENTI MAWQAK YAAKUME
SIIRATA

7. Miracsenti mawqa wagsiisak maysarraqa

missoysaanama

- 1/ faxe xintoh exxa tayyaaqeh tan miracsenta wagsiisak ciggiltam addat tabbixe maysarraqa missowtam faxximta:
 - a) Xintoh exxah addal amballayuk geytimah yan qagunti miracsentak amo tabuu kee miracsenti mawqak gexsoh ikraaro;
 - b) qagunti miracsentih missoysih gexso macaddol geytimtam yascasse oyta;
 - c) qagunti miracsenta wagsiisak yitbiqeenih yanin maysaxxagoogi;

- d) qagunti miracsental mabla xayyowtu wayta widdir;
 - e) qagunti miracsenta wagsiisak takuktak maasayyak 8 kee 9 ugutak gaabowteh tan mabloomii kee xintosh exxah kabuk mabloomil yumcuwweeh yan raddi;
- 2/ faxe num ta maasayyak lani maasayyak (1) ugutak missoowah yan maysarraqa yablem kee hinnammay faxxiima awqenta mekelak qulutak beetam duudah.

8. Maysaxxaga yayyaaqemimi

Xintosh exxa miracsenta tayyaaqek naharal tayyaaqu waytah tan qagunti miracsenta wagsiisak fidin baxac leh tan xaagi wargat kee xintosh exxah retta edde anuk gersi mangaafa retteemaamil ciggiltah tan oytitte tabbixe maysaxxaga tayyaaqem faxximta:

- 1/ miracsenta tayyaaquh ugut takkeh tan madqah abbootan kee miracsental tawqu ayta caagiida wagsiisak;
- 2/ qagunti miracsentak qulenti geytimu xiqam kee elle geytimu xiqaa caalat wagsiisak;
- 3/ qagunti miracsental sahda sinni mabla malqoo kee mannal xayyoosoonu xiqaanam wagsiisak;
- 4/ ta kuktak maasayyak 7 ugutak maysarraqimal daffeyteh tan oytitte mankee kee malqo geyoonu xiqaanam baxxaaqisa oyta.

9. Qagunti miracsenta mabla macuwuh

ruubaanama

- 1/ Xintosh exxa ta kuktak maasayyak 8 wannotteemik ugutak ummattah tiysixxigeh tan qagunti miracsenta wagittah tan xintosh exxaaxii kee kalah tan maglab leelaa mabla elle tacayuh keenih rubtam faxximta.
- 2/ wagittah tan xintosh exxaaxii kee kalah tan maglab leela xagorti qagunti miracsental mabla yelleenik sinni mabla xintosh exxa targaqeh tan widdir waadoh addal kutbeh ruubaanam faxximta. Xintosh exxa targaqeh tan widdir waado faxe caalatal 15 taamah ayroorak daggowtam mafaxximta.

10. walal gudgud missoysaanama

- 1/ xintosh exxa qagunti miracsental kutbeh mabla harigaanamih widdir gaba kaleek lakal miracsenti faatacimaamak naharal faxe num edde yangaleh yan walal gudgud missoysak mabla gaabossam faxximta.
- 2/ faxe ta kuktak maasayyak 9 ugutak arciba gee wee gudgudut yangale num leh yan mabla kutbeh edde anuk xayyoosam xiqah.
- 3/ xintosh exxa missossah tan walal gudgudul mabla harigoonuh xiqsiisah yan dudda le widdir yaceenim faxximta.

11. Siiratak curri yakkeemi

- 1/ faxe xintosh exxa miracsenta tayyaaqeh tan way, ahaak gubal ciggiltah tan caaloota kibbimtekaa tekkek takuktak maasayyak 7 ilaa 10 fanah daffeyteh tan dirkittek curri takku xiqtah:-
 - a) Sissik caalatih widdir tekkeeh, dirkih tan siiratitteh gitaak tatraanam xiqqiime waytek;
 - b) Naharal maysaxxaga tawqem ummatta tuxxiq xagtam tekkek; hinnammay
 - c) Naharal maysaxxaga tawqem miracsenti mawqa fayda cabsissam tekkek;

- 2/ xintoh exxa miracsenta tayyaaqe wak ta maasayyak lani maasayyak (1) ugutak dirkih yan siiratak curri abeh yan sabab yabbixe adda faknu le baxxaqsa missossam faxximta.

SIDOC HEELE LANI EXXA
MIRACSENTA FAATACISAANAM KEE
ABBINOOTIYYA

12. Miracsenti edde faatacsima widdir kee

caalat

- 1/ xintoh exxa missooweh yan qagunti miracsental ta kuktak maasayyak 9 kee 10 ugutak kutbeh xayyowta mablaa kee walal gudgudih widdir tatram kee fanah miracsenta faatacissam maxiqta.
- 2/ xintoh exxa miracsenta faatacissaamak naharal qaguntal xayyowteh tan mabla cubbit haytam faxximta.
- 3/ xintoh exxa ta maasayyak lani maasayyak (2) tumbulleeh tan dirkittek tawquh tumcuwwee mablak ugutak missos abtam faxximtaah hinnay mabla oggole wayta kaa tekkek akah oggole wayta sabab baxxaaqissa kutbe missossam faxximta.
- 4/ xintoh exxa qagunti miracsenta faatacissaamak naharal federaalak daga raaqa gaarowse mabla elle yacayuh rubtam faxximta.
- 5/ daga raaqa gaarowse qagunti miracsental leh yan mabla 15 taamah ayroorah addat xintoh exxah ruubam faxximta. Daga raaqa gaarowse tama bisle widdir waadoh addat leh yan mabla ruube week mabla alle waamak lowwimak miracsenta faatacisaanamih taama bisoh axcele.

13. Qagunti miracsentaa kee faaticsiime

miracsentih fanat baxsi yenek

- 1/ Xintoh exxah maysaxxagal yumbullee qagunti miracsenta luk asaasah yan baxsale miracsenti yawqem maduudumta. Takkay ikkah asaasah yan baxsale miracsenti yawqem faxximtek qimbimteh sugte mircsenti mawqah gexso soolisaq qusba miracsentih mawqah gexso qimbisaanam waaso mali.
- 2/ ellacabo weelol missowweh yan miracsenti maysaxxagal yewqe qagunti miracsenta luk asaasah yan baxsale iyyoonu xiqqimtam ahaak gubal katayta caagiida tan waka:
 - a) Qagunti miracsentak abbinootiyyi caydi qaduk milaagima kaa tekkek;
 - b) Qagunti miracsenti qusba dirkiissoosa abbaxuk yewqe kaa tekkek;

14. Baxxaqsi kutbe

Faxe xintoh exxa miracsenta edde tayyaaqe widdirit ciggiltah tan oytitte yabbixe miracsenti baxxaqsa missossam faxximta:

- 1/ Miracsenti elle rakitak yewqe madqah asaas kee hadaf,
- 2/ maysaxxagal fixixisen qaguntaa kee ellecaboh yewqe miracsentih fanat addatino baxsi yenek yekkeh yan milaaguk sababitte edde haak baxxaaqisa kassiisi,
- 3/ qaguntal xayyowte mabloomii kee gexxeh tan maaqattak amo gacsa.

15. Miracsenti addatinoo kee weelo

- 1/ xintoh exxa tayyaaqex faxe qaynatih miracsenti edde yawqem amcari af kee ingiliizih af kinnih tan way, miracsentak fanteenah tan addatinot ossotinah ciggiltam yabbixem faxximta:-
 - a) Miracsentak rorti ixxima;
 - b) Miracsenti yawquh abbootanak raceenah tan madqa;
 - c) Miracsentak ux amottabu;
 - d) Maqnissooy, abbinoottiyyi cayduuy, fanteenah tan wanoona;
 - e) Maysaasaay, duugiyyaay, tabeenaay,wanxexxeelit tan wanoona tenek, tascasse wanoona;
 - f) Ta kuktak maasayyak 18 tan wanoona elle taninnal anuk miracsenti edde yewqe ayroo kee taamal elle asa ayro.
- 2/ faxe miracsenti uxxaah, qidile afat yankuttubem faxximta,
- 3/ xintoh exxa gersi xagar yayyaaqeh yan tet abbootanih addat raqta miracsentitte hinnammay meqem kaban edde xintitte inkih takkuu baali akak muggaaqisak isi miracsentak exxa abak tayyaaqem duddah,
- 4/ ta maasayyak lani maasayyak (3) ugutak miracsentak exxa abak teyyeeqe sanaditte ummatta akah aleltanna abak maasayyak 16 ugutak tankuttubuh federaalak daga raaqa gaaroyseh rubtaama.

16. Miracsenti maysarraqa

- 1/ faxe xintoh exxa miracsenta elle teyyeeqennaak taamal asissaamak naharal miracsenta baxxaqsaluk federaalak daga raaqa gaarowse fanah ruubak akah tankuttubennah absissam faxximta.
- 2/ federaalak daga raaqa gaarowse ta maasayyak lani maasayyak (1) ugutak kaal rubbuumeh yan miracsentah ixxima acayuk yaktube. Miracsenti yunkuttubem xintoh exxah towakaak yaysixxigem faxximta.
- 3/ federaalak daga raaqa gaarowse yuktubeh yan miracsenta baxxaqsaluk aktubuk xintoh exxah yiysixxigeh yan ayrok abbaxuk ummattah fakut haam faxximta.
- 4/ faxe xintoh exxa ta kukti yawqeemik naharal taamal sugeh yan miracsenti ta kukti yewqeemik 90 ayroh addal federaalak daga raaqa gaarowse fanah ruubak akah yankuttuben innah abaanam faxximta.

17. Miracsenta elle geyan gurra

- 1/ federaalak daga raaqa gaarowse ta kuktakmaasayyak 16 ugutak yuktubeh yan miracsenta isi rettal yarrem faxximta.
- 2/ faxe xintoh exxa tayyaaqeh tan miracsenta:
 - a) Atbiqqa hayteh wagittah tan doolat kee kalah tan maglab leela guddussam; kee
 - b) Xintoh exxah rettal tarrem; faxximta.
- 3/ faxe miracsentak qulenta geyam faxah yan num miracsenti elle yanikkel waggasitek hinnay faxxiimah yan awqenta mekelak xintoh exxak geyaamih ceelo le.

18. Miracsenti abbinootiyya

- 1/ ta kuktak maasayyak 16 ugutak ankuttube weeh maasayyak 17 (2) (b) ugutak xintoh exxa isi rettal aarre wayte miracsenti mabbinoota.
- 2/ ta maasayyak lani maasayyak (1) ugutak abbinootewee miracsenti ta exxak nammey heele lani exxal wannotteh tan miracsenti mawqak naharat yan siirat katayak qusba addah akah yawqennah absiisaanam duudumtah.

19. Miracsentak abbinootiyya

kusaaqisaanama

Faxe xintoh exxa teyyeeqeh tan miracsentak abbinootiyyi caagid widdiriik widdiril kusaaqisak faxximta maqatta bettam duddah

SIDOC HEELE EXXA

XINTO MARGAQQOOQI

INIK HEELE LANI EXXA

XINTO MARGAQQOOQIH QIMBIMIYYA

20. Xinto margaqah qimbimiyya

- 1/ xinto margaqa tamcuwwuuh xayyowta essero caagid wagtah yan num akkek kay awlaytih gitaak xayyowtam duddah.
- 2/ xinto margaqa wagittah tan xintoh exxah fayxik ugutak qimbimtam xiqtah.

21. Xinto margaqah essero elle xayyowta

caalata

- 1/ xinto margaqah essero kutbeh anuk caalat elle aninnaan innal cankahaay, tunkuttube posta akkek elekterooniik gitah xayyowtam duudumtah.
- 2/ xinto margaqa yoh tamcawwaay inta esseroh wayto kutbeh xayyowta way ciggiltam addat tallem faxximta:-
 - a) Ayrooy, wayto xayyooyse akkek kay awlaytih migaaqaay, sumaqtaa kee guub;
 - b) Xintoh abto abtah tan exxah migaqa;
 - c) Wayto xayyooyseh gar hinnay tummiqitti;
 - d) Exxa abbonossam faxximta xintoh abto;
 - e) Exxa abbinossu wayta xintoh abtok ugut tekke sababittee kee tohut axaw le alhumitte;
- 3/ xintoh exxa xinto margaqah essero elle xayyowta cibta missossam duddah.

22. Essero oggolimteemih alhumu

- 1/ wayto elle xayyowteh tan exxa wayto edde tabissah tan widdirit wayto tabissem uktubbu hayteh asmat kutbeh taceem faxximta.
- 2/ taceeh tan asmat kutbe wayto tabissem kee waytot axaw luk xayyowte sanaditteh adda fakoot tasballeem takkeemi.

NAMMEY HEELE LANI EXXA
XINTO MARGAOAH MATTACAYNOH
RADMOOMI

23. Xinto margaqa yacee num

Xinto margaqa yacee num xintoh exxak daga raaqa reedantu akkek abbootan akah yeceen exxak taama reedantu akkeey taama abeena dibuh yakkem faxximta.

24. Madqal tumcuwwee abbootanih waadok

tatre waanama

Xinto margaqa yacee num margaqa yacee widdir xintoh exxa madqal teetih tumcuwweeh tan abbootan waadok maturtam mafaxximta.

25. Caglaa kee ummatta tummiqitti

qeedaalisaanama

Xinto margaqa yaceeh yan num xintoh exxat xoqoysimah yan cagla numih tixxiq kee xintoh exxah hadafal daffeyte ummatta tummiqitti tittalluk qeedaalislam faxximta.

26. Gitah ane sinni caagid kee fayxit

miracsimewaanama

Xinto margaqa yacee num caagidih gitak ane sinni caagid akkek fayxit miracsimam mafaxximta.

27. Mehratal rakitta margaqa yaceenimi

Xinto margaqa yaceeh yan num kay mehrat esserah yan meqem kabanaay, macal kee cubbi abitaanam yassakaxxem faxximta.

28. Ankacsiyya

Ta kuktak maasayyak 23 ugutak xinto margaqa yacee num xinto margaqa yaceemik naharat caagid wagtah yan numuk tuk addaa kee alhum elle faxximta innal ankacsam kee kusaaqisaamaay, tonnah kaadu caagit elle aninnaanih weelok ugutak sidoc heele exxa sadu elle tellek hinnammay ummatta mabla ankacisam faxximta.

29. Meqe niyal yargaqeenimi

Xitno margaqa yacee num meqe niya luk yargaqem faxximta.

30. Dudda le afeyta yaceenimi

Xinto margaqa yacee num xinto margah duddale afeyta yaceem faxximta.

31. Maslacat bood raaqisaanama

Xinto margaqa yacee num ayfaf geyah yan num luk cadoyta takkuu rahim ramaddiinu le num akkek hinnammay faxe weelol maslacat bood katassam edde tenek caagid wagtaanamak is raaqisam faxximta.

32. Ayfaf geyah inki gid akkiyya

yassakaxxeenimi.

Xinto margaqa yacee num inkih tan ayfaf geya marihfanat ramadaay, agataay, bisuuy, nadooy, afaay, diiniy, siyaasa mablaay, tittalluk alliyi weelooy, gaddi caddooy, ubukya caalataay, hinnammay gersi sababah baxsa abe waak yargaqem faxximta.

33. Faxxiima widdiril yargaqeenimi

- 1/ Xinto margaqa yacee num xinto margaqa udurrusekkalah faxxiima widdiril yaceem kee margaqat axaw le tummiqittite margaqah udurrah taagah calwayat cule waytuh absiisam faxximta.
- 2/ xinto margaqa faxxiima widdiril amcuwweekkal raqtek xinto margaqah essero oggol gee wayteemil tumcuwwee margaqak lowwimele.

34. Takku waytam dereemiyya

Xinto margaqa yacee num addatino titta akak celta caagiidal titta celta margaqa yaceem faxximta.

35. Qidiino talleemi

Xintosh margaqa yacee numuk margaqa macuwih gexso qidiinol rakitak tekkem abam faxximta.

SIDOC HEELE LANI EXXA **CAAGID ANKACSAANAMA**

36. Caagid ankacsaanama

- 1/ faxe xinto margaqa tamcuwweemik dumal caagid duddaluk yabbeenim faxximta.
- 2/ ta maasayyak lani maasayyak (1) muggaaqintem anih caagid ankacsekkal margaqa yacoonu elle xiqaanam:
 - a) Caagid addatinol tittinway ane week;
 - b) Waluh yan gar akkek hinnay xintosh exxa dooritil targaqeemih abbootan madqal tellek;
 - c) Sissik caagidih faxxintam tekkek;

37. Caagid elle ankacisan weelo

- 1/ xintosh caagid edde ankacsisan widdirit caagidle num daqwat gexsol inkih geytimak:-
 - a) Sumaq yaceemiiy,
 - b) Sumaq kee gersi alhumitte xayyoysam kee yaysabeenimiiy,
 - c) Xintosh exxah xayyowte alhumitte yabbem kee fokaaqamih ceelo le.
- 2/ xintosh exxa alhum geytuh daqwatat gaba tassagalle exxaay, sumaq maraay, mehrat caddot tutradisa numuuy, sanad fokkaaqqoo kee gersi faxe qaynatal faxximtah tan alhumitte geytuh madqak tan cogdaadit xoqoysimtam xiqtah.

38. Ugutiyya

- 1/ xinto margaqa yacee num ciggiltah tan sababittah caagid wagtaanamih taamak ugutam xiqah:
 - a) Caagidit saanih takkuu goloquh yan tummiqitti yellek;
 - b) Caagid le num luk cadoyta takkuu Rahim ramaddiinu yellek hinnay xayih kacantoolitih yimixxigeenik hinnay maslacat bood kataysa caagid tekkek;
 - c) Wagitak geytiman caagidit mehratli akkek awlaytu hinnammay numtin amoh abokaato akkuk gaba edde yessegelleh yenek;
 - d) Wagitak geytiman caagid taama abeeni gubal yeceen margaqa yubleh sugga iyyeh, yoo maxiqtah kaal xayyowtek;
- 2/ Ta maasayyak lani maasayyak (1) tumbulleh tan caagiida tan kaa tekkek margaqa yaceeh yan taama abeenih fayxik takkuu caagid wagitah yan numih massaballak ugutak caagid wagtaanamak ugutam xiqah.
- 3/ yoh ugutay inta essero xayyowtek, essero elle xayyowte reedanti ellacabo marga yaceem kee fanah ugutuh essero akak xayyowte taama abeeni margaqa yaceenimih gexsok soolot saga;
- 4/ ugutam faha akkek yoh ugutay inta essero elle xayyowteh tan reedanti 5 taamah ayroorah addat taama abeeni margaqa macuwuk ugutek hinnay bisoh edde iyyuh yargaqem faxximta.

FEREEY HEELE LANI EXXA

XINTO MARGAQA

39. Xinto margaqa ayfaf geex yaceenim

Faxe xinto margaqa sabab edde haak ayfaf geex kutbeh tamcuwweem faxximta.

40. Xinto margaqa

Faxe xinto margaqa kutbeh anuk ciggiltah tan caagiida addat tallem faxximta:-

- 1/ margaqah ayroo kee ixxima;
- 2/ xintoh exxah migaq;
- 3/ daqwatat tengele exxaaxih guub;
- 4/ daqwat elle yekke caagidih addatino;
- 5/ alhumitte tacliili;
- 6/ caagid addatino kee madqa tacliili;
- 7/margaqa

41. Soolisiyya

- 1/ xinto margaqa to wakaak abbinotta kaa tekkek gaaral akkek tummiqittil aduure sinni tukkalot akak gufussam dudda num margaqat solo gactuh margaqa teceeh tan exxal wayto xayyoositam duudah.
- 2/ ta maasayyak lani maasayyak (1) ugutak wayto harigteh tan xintoh exxa caalat elle aninnaan innal caagid qusba addah yambulleem akkek margaqak akkinnaan exxat solo haytam xiqtah.

42. Xinto margaqa abbinoyisa num

Faxe xinto margaqa abbinossam margaqa yecee num akkek wagittah tan xagar akki kinni.

KONOOY HELLE LANI EXXA **XINTO MARGAQAAL XAYYOWTA** **WAYTO**

43. Wayto xayyoysitaanamih gar

Faxe num kaal taturteh tan xinto margal leh yan wayto xintoh exxal xayyoysitaamih gar le.

44. Wayto harigah yan xagar soolisaanama

Faxe xintoh exxa wayto harigah yan xagar soolissam kee tohum ayfaf geyah baxxaaqissam faxximta.

45. Xinto margah abbinoysiyya waasaanama

Faxe wayto akak xayyooywteh tan xinto margaqa wayto fokkaaqqimma inteh margaqa elle tamcuwweem kee fanah mabbinowta. Takkay ikkah margaqa abbinoote kal sugtam aduure sinni tukkalot ummattal katassam tekkek xintoh exxak daga raaqa reedanti margaqa abbinowtuh amri yaceem duudah.

46. Wayto fokkaaqaanam kee yargaqeenimi

- 1/ xintoh exxak wayto hariga xagar wayto elle faxximma inta innal fokkaaqqam kee madaqa mabla xintoh exxak daga raaqa reedantu akkek usuk awlisah yan numuh xayyoysam faxximta.
- 2/ xintoh exxak daga raaqa reedanti akkek usuk awlisah yan taamah saqal wayto harigah yan xagar kaah xayyooyseh yan margaqa mabla wagitak yaceeh yan margaqa xintoh exxak ellacabo margaqa akkele.

47. Margaqa ayfaf harigeh yaysixxigeenimi

Xintoh exxa ta kuktak maasayyak 46 ugutak tumcuwweeh tan margaqa to wakaak wayto xayyooyseh kutbeh tamcuwweem faxximta.

FEREY HEELE EXXA
XINTOH EXXAH MIRACSENTAA KEE
MARGAQQOQIT MADQA BUXA ABTA

SIKKACSA
INIK HEELE LANI EXXA
SIKKACSIYYA QIMBISAANAMA

48. Sikkacsi wayto xayyoosaanama

Ta kuktak maasayyak 46 tan wanoona elle taninnal anuk:

- 1/ faxe caagid wagitah yan num xinto miracsenti madqa buxal sikkacsimuh wayto xayyoosam duudah;
- 2/ faxe xinto margaqa tummiqitti akak xagte num margaqa madqa buxal sikkacsimtuh wayto xayyoosam duudah.

49. Sikkacsi wayto elle xayyowta madqah buxa

- 1/ xinto miracsenta akkek margaqah sikkacsih essero elle xayyowtam federaalak fayyole madqah buxa kinni. Madqa buxa taceeh tan margaqa ellacabo margaqa akkele.
- 2/ tama maasayyak lani maasayyak (1) wannottem anih xinto miracsenta wagittaamal fayyole madqah buxa tecee margaqa; sangarra cokmih buxal yoo maxiqta axcuk xayyowtam duddah.
- 3/ federaalak fayyole madqah buxa sikkacsi wayto harigtah tan xintoh caagiidah caxa xisele.

NAMMEYHEELE LANI EXXA
SIKKACSI RADMOOMI

50. Sikkacsi sababitte

- 1/ xinto miracsenti madqa buxal sikkacsimam:-
 - a) ta kuktax nammeyheele exxal tumbullee siiratitteh wanoona kataye waak tewqeh tanim diggowtek;
 - b) Xintoh exxah abbootanaak iroh tewqeh tenek;
 - c) Caddok miracsentaak daga leh tan gersi madqooqit booddam tekkek;
- 2/ xinto margaqa madqa buxa sikkaacissam ta kuktak sidoc heele exxal wannotteh tan radmoomi taggile kaa tekkek.

51. Sikkacsi wayto elle xayyowtam ellacabo margaqa kinni

Faxe madqa buxal sikkacsi wayto xayyowtam ellecaboh tumcuwwee xinto margaqa dibuk kinni.

52. Xinto caddoh calli inkih gibbatak yassakorreenim faxximta.

- 1/ madqal gersi weelol mannotteh akke waytek faxe madqa buxal sikkacsi wayto xayyoosah yan

caagid le num wayto xayyoosaamak dumal xintoh exxah addal enni iyyah yan xinto caddoh calli inkih gibbatak yossokorre num takkem faxximta.

- 2/ ta maasayyak lani maasayyak (1) wannottem anih xintoh exxa xintoh caddoh calli yaceenimih gexsit faxxiima widdiriik muxxi teyxeerek xintoh caddol calli inkih gorriseh yassakorreemih dirki numul tanu maxiqta.

SIDOC HEELE LANI EXXA

SIKKACSI SIIRATA

53. Sikkacsi wayto edde xayyowta widdiri

- 1/ ta kuktak maasayyak 50 lani maasayyak (1)(a) ugutak xinto miracsenti madqa buxal sikkacsintuh xayyowtah tan wayto miracsenti edde faatacimeemik 90 ayroh addat xayyowtam faxximta.
- 2/ ta kuktak maasayyak 50 lani maasayyak (1) (b) akkek (c) ugutak xinto miracsenti madqa buxal sikkacsimuh xayyowta wayto faxe widdir xayyowtam duddah.
- 3/ xinto margaqa madqa buxa sikkaacissuh xayyowtah tan wayto caagid leh yan num margaqa yiysixxigeeniik lakal tanih tan 30 ayroh addat xayyowtam faxximta.

54. Gacsa kutbeh yaceenimi

Sikkacsi wayto elle xayyowteh tan madqa buxa kusaaqintam faxximta axcuk elle taamineh tan widdir wayto akak xayyowteh tan xintoh exxa 15 taamah ayroorah addat gacsa kutbeh taceem faxximta.

55. Sanaditte xayyoosaanama

Sikkacsi wayto akak xayyowteh tan xintoh exxa wayto akak xayyowteh tan miracsenta akkek margaqa wagsiisak faxximta intah tan sanaditte xayyossuh madqa buxa amrissam duddah.

FEREYHEELE LANI EXXA

SIKKACSI MARGAQAH MACUW KEE

ABBINOYSIYYA

56. Sikkacsi margaqah macuw

- 1/ madqa buxa sikkacsi wayto elle dudda haytaamal ux widdirih addat fokkaaqaq margaqa taceem faxximta.
- 2/ madqa buxa sikkacsi wayto akak xayyowte xinto mircsenta hinnay margaqa asgiringirek hinnammay inkih takkuu baali akak dugtam duddah.
- 3/ madqa buxa sikkacsi wayto akak xayyowte xinto mircsenta hinnay margaqa inkih akkek baali akak dugtah tan way xintoh exxa madqa buxa tescesseh tan hoxitte massoysak miracsenta qaguh tayyaaqem akkek taysiisem, hinnay kaadu margaqa elle teceeh sugte caagid qaguh fokkaaqaq yaggaraqquh amrissam duddah.

57. Sikkacsi margaqah abbinoysiyya

- 1/ madqa buxa teceeh tan xinto miracsenta akkek margaqa yasgiringeenim akkek duugaanamih margaqa tonna luk abbinootele.
- 2/ madqa buxa xinto miracsenta akkek margaqat maysaasa takkuh amrissek xintoh exxa ta kuktak nammay kee sidoc heele exxaaxil tumbulleeh tan siirat wanoonaa kee radmooma assakxxauk miracsenta akkek xinto margaqa faxxiima widdirih addat maysaasa edde takkem faxximta.
- 3/ madqa buxa teceeh tan xinto miracsenta takkuu margaqa inkih takkuu baali akak duugaanamih margaqa akkek maysaasah amri sikkacsi wayto akak xayyowte miracsenta akkek margaqak madqa cayla inkih akkek baali akak raaqissu xiqata.
- 4/ ta maasayyak lani maasayyak (3) baxxaaqintem anih madqa buxa inki xinto miracsentak baali takkuu inkih dugta margaqa taceeh tan way, xintoh exxah miracsenta duugaanamak naharat dugumeh yan miracsental rakitak tumcuwweeh tan xinto margaqooqi tingirgireh raqta.

KONoyHEELE EXXA **BAXAMBAXSALE WANOONA**

58. Meqembar madqah siirat abbinootaamih tiya

Ta kuktak fereeyheele exxal tumbullee sikkacsi siiraatih caagidil wagittah tan meqembar madqah siiraatih madqah wanoona abbinootele.

59. Biyak xikca esseraanamih tiya

Xinto miracsenta akkek margaqat axawah yan hoxih sabbatah dufi gufeh yan faxe num miracsenta teyyeeqe hinnammay margaqa tatrusse xinoth exxa wagittah tan madqal rakitak xikca kaah meklutuh esseraanamih gar le.

60. Oyti yaceenimih dirki

Faxe xintoh exxa miracsenta yayyaaqeenim akkek hinnay xinto margaqa yaceenimit axawah anuk tonnah tohum abbinoysiyyat axawah tanimil gersi madqak yan xagar esserah yan way alhum yaceenimih dirki le.

61. Edde xinta yayyaaqeenimih abbootan

Malokti malah buxa ta kukti abbinootuh faxxiimah yan edde xinta tayyaaqem xiqtah.

62. Kukti abtol asu waa widdir

Ta kukti federaal dinkaarah mayblaalaqal antibbiqimuk edde yewqe ayrok abbaaxuk taamal asele.

Addis Ababaay, Qado-dirrik 29, 2012

SAHLEWERKI ZEWDE
ITİYOPPIYAH FEDERAALIYYOH
DIMOKRAASIH RIPABLIKI

